

**Missiliuut****uunga****Danskisut innuttaassuseqarneq pillugu inatsisip allannguutaasa
Kalaallit Nunaanni atuutilersinneqarnerat pillugu peqqussut**

UAGUT MARGRETHE AAPPAAT, Guutip Saammaassineratigut Danmarkip Dronningia, uppernarsarparput:

Danskisut innuttaassuseqarneq (inunngornermi il.il. danskisut innuttaassuseqalersarneq) pillugu inatsisip allannguutaa pillugu inatsit nr. 729, 25 juni 2014-imeersumi § 3¹, danskisut innuttaassuseqarneq (inuusuttut Danmarkimi inunngorsimasut alliartorsimasullu il.il.) danskisut innuttaassuseqalersarnerat pillugu inatsimmi nr. 730, 25. juni 2014-imeersumi § 3², danskisut innuttaassuseqarneq (naalagaaffimmi marloriaammik innuttaassuseqarnerup akuerineqartarnera aamma danskisut innuttaassuseqarneq pillugu sulianut akitsuummik akiliuteqartarnek pillugu inatsisip allannguutaa pillugu inatsimmi nr. 1496-imi, 23. december 2014-imeersumi § 5³, qitornavissianngortitsisarneq pillugu inatsisip, angajoqqaat akisussaassuseqarnerat pillugu inatsisip aamma danskisut innuttaassuseqarneq pillugu (inooqatigiit ataatsimoorlutik qitornavissiaartaarsinnaarnerat) inatsisip allannguutai pillugit inatsimmi nr. 1525, 27. december 2014-

17. maj 2018

Indfødsret
Slotsholmsgade 10
1216 København KTel. 6198 4000
Mail uim@uim.dk
Web www.uim.dk

CVR-nr. 36977191

Sagsbehandler
Caroline ElmbergTel. 61 98 36 41
Mail cae@uim.dkSags nr. 2017 - 8231
Akt-id 369799

¹ Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq allannguutit Savalimmiuni aamma Kalaallit Nunaani pissutsit atugassarititaasut malillugit allannguutigigitillugit."

² Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq allannguutit Savalimmiuni aamma Kalaallit Nunaanni pissutsit atugassarititaasut malillugit allannguutigigitillugit."

³ Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq allannguutit Savalimmiuni aamma Kalaallit Nunaani pissutsit atugassarititaasut malillugit allannguutigigitillugit."

imeersumi § 5⁴, danskisut innuttaassuseqalersarneq (nunami allami inunngor-simasut naalagaaffimmi allami il.il. danskisut innuttaassuseqalernissamik qinnu-teqaateqarneranni pinngitsoorani digitaliusumik imminut sullinnissamut ikaarsaa-riartarneq) pillugu inatsimmi nr. 534, 29. april 2015-imeersumi § 3⁵, aamma danskisut innuttaassuseqalersarneq (meeqqat inuttut tulliusutut (saniatigut) danskisut innuttaassuseqalersarneq il.il. angajoqqaatut oqartussaassusillit akuersissuteqartarnissaannik allannguisarnissaannillu piumasaqaat) pillugu inat-simmi nr. 1562, 13. december 2016-imeersumi § 4⁶ naapertorlugit, aalajanger-sarneqarpoq:

§ 1

Danskisut innuttaassuseqarneq pillugu inatsimmi, tak. danskisut innuttaassu-seqarneq pillugu inatsit pillugu inatsimmik nalunaarut nr. 422 , 7. juni 2004-imeersaq, makku allannguutigitinneqassapput:

1. § 1, imm. 1, oqaaseqatigiinni siullerni, »imaluunniit anaanaasoq« imaalillugu allanngortinneqassaaq: », anaanaasoq imaluunniit anaanaaqataasoq«, aamma oqaaseqatigiit aappaat atorunnaarsinneqarpoq.

2. § 2 a, imm. 1-imi, »aappariit« kingorna ivertinneqassaaq: »imaluunniit aappariit inooqatigiittut«, »aappariit« kingorna ivertinneqassaaq: »imaluunniit inooqa-tigiittut arlaat ataaseq«, aamma »katissimangitsoq« imaalillugu allanngortin-neqassaaq: »kisimiittoq«.

3. § 4 A, imm. 3, atorunnaarsinneqarpoq.
Kingorna imm. 4, imm. 3-nngussaaq.

4. § 4 A, imm. 1, atorunnaarsinneqarpoq.
Kingorna imm. 2 aamma 3, imm. 1 aamma 2-nngussapput.

5. § 5, imm. 2, atorunnaarsinneqarpoq.

6. § 5-imi oqaaseqatigiit aappaata kingorna ivertinneqassaaq:

⁴ Aalajangersagaq imatut oqqasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakortumilluunniit Savalimmiu-nut aamma Kalaallit Nunaannut atuutilersinneqarsinnaavoq allannguutit Savalimmiuni aamma Ka-laallit Nunaani pissutsit atugassarititaasut malillugit allannguutigitillugit."

⁵ Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakortumilluunniit Savalim-miunut aamma Kalaallit Nunaannut atuutilersinneqarsinnaavoq allannguutit Savalimmiuni aamma Kalaallit Nunaani pissutsit atugassarititaasut malillugit allannguutigitillugit."

⁶ Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakortumilluunniit Savalim-miunut aamma Kalaallit Nunaannut atuutilersinneqarsinnaavoq allannguutit Savalimmiuni aamma Kalaallit Nunaani pissutsit atugassarititaasut malillugit allannguutigitillugit."

»Meeraq angajoqqaajusunit ataatsimut oqartussaaffigineqarpat, angajoqqaatut oqartussaasup aappaata akueralugu nalunaarutigissavaa, meeraq peqatigalugu innuttaassuseqalissasoq.«

7. § 6, imm. 2-imi, »§ 5, imm. 1« imaalillugu allangortinneqassaaq: »§ 5«.

8. § 6-imi imm. 3-tut ivertinneqassaaq:

»Imm. 3. Imm. 2-mi aalajangersagaq atorneqassanngilaq, meeraq, uani meeraq qitornavissiaasoq, inatsit aqutigalugu angajoqqaajusup nunami allami inunngorsimasup naalagaaffimmi innuttaassuseqalerneranit ilaatinneqassanngilaq.«

9. § 7 atorunnaarsinneqarpoq.

10. § 12, imm. 1, oqaaseqatigiit siulliit, imatut oqaasertaqassapput:

»Qinnuteqaateqartut 18-inik ukioqalereersimasut nunami allami inunngorsimasut naalagaaffimmi allami innuttaassuseqalersitaanikkut danskisut innuttaassuseqalernissamik qinnuteqaatip tunniunnerani, aamma danskisut innuttaassuseqarnek pillugu uppersaatitaarnissamik imaluunniit danskisut innuttaassuseqarnerup attatiinnarneqarnissaa pillugu qinnuteqaatip tunniunnerani akitsuut 1.200 kr. akilerneqassaaq.«

11. § 12, imm. 1-imi, oqaaseqatigiit siulliit kingorna ivertinneqassaaq.:

»Danskisut innuttaassuseqalerneq pillugu nalunaarutip tunniunnerani akitsuut 1.100 kr. akilerneqassaaq.«

12. § 12, imm. 1, oqaaseqatigiit pingajuat, atorunnaarsinneqarpoq, taarsiullugulu ivertinneqassaaq:

»Meeqqat, danskisut innuttaassuseqarnek pillugu angajoqqaat nalunaarutaanni imaluunniit qinnuteqaataanni ilanngunneqarsimangitsut, akitsuummik akiliisinneqartassanngillat, tak. § 5 aamma § 6, imm. 2. nunami allami inunngorsimasut naalagaaffimmi allami innuttaassuseqalernissamik qinnuteqaammut taamallaat ataasiarluni akiliisoqartassaaq, danskisut innuttaassuseqalerneramik uppersaatitaarnissaaq pillugu qinnuteqaammut ataasiarluni, danskisut innuttaassuseqarnerup attatiinnarneqarnissaa pillugu qinnuteqaammut ataasiarluni aamma danskisut innuttaassuseqarnek pillugu nalunaarutip tunniunneqarneranut ataasiarluni. Qinnuteqaateqartoq aamma nalunaaruteqartoq pisussaapput uppersassallugu siusinnerusukkut akitsuutaasinnaasut akilerneqarsimasut. Akitsuutit utertillugit akilerneqassanngillat, qinnuteqaateqartoq akuerisaanngippat, imaluunniit nalunaarut itigartitsissutigineqarpat.«

13. § 12-imi imm. 6-8-tut ivertinneqassapput:

»Imm. 6. Danskisut innuttaassuseqarnek pillugu suliap suliarinissaanut atugasatut nunat allamiut allagaataasa nutsernissaannut aningaasartuutit suliami pineqartup akiligassarai.

Imm. 7. Danskisut innuttaassuseqarnek pillugu suliap suliarinissaanut atugasatut suliami pineqartoq inullu alla ilagisariinnermik pineqartup paasissutissiiffigisaa, danskisut innuttaassuseqarnerup imaluunniit danskisut innuttaassuseqarnerup angunissaata eqqortuuneranik tunngavissiisoq, ilagisariussutsip aalajangernissaa

siunertaralugu dna-mik misissuinermit peqataassapput, tamanna allatut iliorluni naammattumik uppernarsaaserneqarsimanngitsutut isigineqarpat. Dna-mik misissuinermit aningaasartuutit danskisut innuttaassuseqarnermik suliami pineqartup akilissavai.

Imm. 8. Danskisut innuttaassuseqarneq pillugu suliap suliarinerani atugassamik dna-mik misissuinissami periaasissaq pillugu malittarisassat erseqqinnerusut Allamiunut Akulerutsitaanermullu ministerip aalajangersarsinnaavai.«

14. § 12-imi imm. 9-tut ivertinneqassaaq:

»*Imm. 9.* Nunami allami inunngorsimasup danskisut innuttaassuseqalernissaq pillugu qinnuteqaateqartup politiinit killisiorneqarnissaa Allamiunut Akulerutsitaanermullu ministerip qinnutigisinnaavaa, tamanna suliap paasissutissiisutiginnissaanut pingaaruteqartutut nalilerneqarpat.«

15. § 12-ip kingorna ivertinneqassaaq:

»**§ 12 A.** Nunami allami inunngorsimasup danskisut innuttaassuseqalernissamik qinnuteqaataa, digitalikkut aaqqiissutissat (digitalikkut imminut sullinnermi) ministerip atoqqusai atorlugit Allamiunut Akulerutsitaanermullu ministereqarfimmut tunniunneqassapput. Qinnuteqaatit digitalikkut imminut sullinnikkut tunniunneqarsimanngitsut Allamiunut Akulerutsitaanermullu ministereqarfimmit itigartissutiginneqassapput, taamaattorli tak. imm. 2 aamma 3.

Imm. 2. Allamiunut Akulerutsitaanermullu ministereqarfik isumaqarpat, pissutsit immikkut ittut atuuttut pissutigalugit digitalikkut imminut sullinnissamik qinnuteqaateqartup atuisinnaanissaa naatsorsuutigineqarsinnaanngitsoq imm. 1 malillugu diigitalimik imminut sullinnissaminngarnit allatut periaaseqarluni qinnuteqaatip tunniunneqarnissaa Allamiunut Akulerutsitaanermullu ministereqarfiup neqeroorutigissavaa. Allamiunut Akulerutsitaanermullu ministereqarfiup aalajangissavaa qinnuteqaat oqaaseqatigiinni siullerni pineqartoq qanoq iliorluni tunniunneqassanersoq, uani ilanngullugu immersuiffissaq oqaasertalersoriigaq atorlugu tunniunneqassanersoq.

Imm. 3. Digitali atorlugu qinnuteqaat anngussimasutut isigineqassaaq, taanna Allamiunut Akulerutsitaanermullu ministereqarfimmi pigineqalersimappat.«

16. § 13, imm. 6, atorunnaarsinneqarpoq.

Imm. 7 kingorna imm. 6-nngorpoq.

§ 2

Imm. 1. Peqqussut atuutilissaaq taassuma Lovtidende-kkut tamanut nalunaarutigineqarnerata aqaguani.

Imm. 2. § 1, nr. 1, meeqqanut atuutissanngilaq peqqussutip atuutilersinneqarnera sioqqullugu inunngorsimasunut. Meeqqanut taakkununga malittarisassat maannamut atuuttut malinneqassapput.

Imm. 3. § 1, nr. 10, qinnuteqaatinut uppernarsaatinullu atuutissanngilaq, peqqussutip atuutilersinneqarnera sioqqullugu tunniunneqarsimasunut. Qinnuteqaatinut uppernarsaatinullu taamaattunut malittarisassat maannamut atuuttut malinneqassapput.

Imm. 4. § 1, nr. 14 aamma 15 taamaallaat atuutissapput peqqussutip atuutilersinneqarnerata kingornagut tunniunneqarsimasunut.

§ 3

Peqqussutit, danskisut innuttaassuseqarneq pillugu inatsit malillugu pilersinneqarsimasut, Kalaallit Nunaannut aamma atuutissapput.

§ 4

Imm. 1. Siusinnerusukkut danskisut innuttaassusillit, danskisut innuttaassuseqarneq pillugu inatsimmi § 7 naapertorlugu danskisut innuttaassuseqarnermik annaasaqarsimasut aamma imm. 2 aamma 3-mi piumasaqaatinik naammassinissimasut, peqqussutip atuutilerneraniit ukiut 5-t iluanni tamanna pillugu allakkatigut uppernarsaat rigsombudimut tunniussaqaarnermik danskisut innuttaassuseqarneq pissarsiarisinnaavaat.

Imm. 2. Imm. 1 malillugu uppernarsaat siornatigut danskisut innuttaassuseqarsimasut piffissami danskisut innuttaassuseqarnerup annaaneqarnerata aamma uppernarsaammik tunniussinerup akornanni piumasaqaatitaqanngitsumik kiffaanngissusiagaanissamat pineqaatissinneqarsimanngitsut tunniussinnaavaat, taamaatorli tak. imm. 3.

Imm. 3. Siusinnerusukkut danskisut innuttaassuseqarsimasunut 22 sinnerlugit ukiulinnut nunami allami inunngorssimasunut, danskisut innuttaassuseqarneq pillugu inatsimmi § 8 naapertorlugu 22-inik ukioqalerneranni aalajangiiffigineqarsimanngitsunut aammattaaq piumasaqaataavoq pineqartut 22-inik ukioqalinnginneranni naalagaaffimmi maani najugaqarsimanissaat imaluunniit sivikinnerpaamik katillugit ukiumi 1-mik sivilussusilimmik maani naalagaaffimmiissimanissaat.

Imm. 4. Imm. 1 naapertorlugu siusinnerusukkut danskisut innuttaassuseqarsimasoq upernarsaammik tunniussinermigut innuttaassuseqalersimappat, pineqartup qitornaa, qitornavissiarilersimasaa ilanngullugu eqqarsaatigalugu aamma innuttaassuseqalissaaq, meeqqap innuttaassuseqalernermit ilanngunneqarsimannginnera erseqqissumik taaneqarsimanngippat. Meeqqap danskisut innuttaassuseqalernissaanut piumasaqaataavoq, nalunaaruteqartup meeraq pillugu angajoqqaatut oqartussaqaataanissaa aamma meeraq katissimassanngitsoq aamma 18-it inorlugit ukioqassasoq. Meeraq ataatsimoorussamik angajoqqaatut oqartussaaffigineqarpat, angajoqqaatut oqartussaassuseqarnermik pigisallip aappaa nalunaaruteqarnermigut akuersissaaq, meeqqap nalunaaruteqartoq peqatigalugu innuttaassuseqalernissaanut. Aammattaaq qitornavissiaasumut piumasaqaataavoq, qitornavissiaaneq danskisut inatsisaat malillugu atuussinnaassasoq.

§ 5

Imm. 1. Kinaluunniit innuttaassuseqalernerup nalunaarutigineqarnera pillugu inatsimmi nr. 1661, 20. december 2016-imeersumi tamannaluunniit pillugu kingusinnerusukkut inatsimmi naalagaafinnut allanut tunngatillugu innuttaassuseqarneq pillugu inatsiseqartitsinikkut aaqqiisoqarnissaanik piumasaqaatitalimmi, aamma aaqqiivigineqarsimanngitsumi ilanngunneqarsimasoq, peqqussutip atuutilerneraniit ukiut 2-t iluanni danskisut innuttaassuseqalissaaq, tak. § 2, tamanna pillugu allakkatigut uppernarsaammik rigsombudimut tunniussinikkut.

Imm. 2. Kinaluunniit imm. 1 naapertorlugu uppernarsaatip tunniunneratigut innuttaassuseqalerpat pineqartup qitornaa, qitornavissiaa ilanngullugu innuttaas-

suseqalissaaq, innuttaassuseqalernermi meeqqap ilanngunneqannginnissaa erseqqissumik taaneqarsimanngippat. Meeqqap danskisut innuttaassuseqalernissaanut piunasaqaataavoq, nalunaaruteqartup meeraq pillugu angajoqqaatut oqartussaqaataanissaa aamma meeraq katissimassanngitsoq aamma 18-it inorlugit ukioqassasoq. Meeraq ataatsimoorussamik angajoqqaatut oqartussaaffigineqarpat, angajoqqaatut oqartussaassuseqarnermik pigisallip aappaa nalunaaruteqarnermigut akuersissaaq, meeqqap nalunaaruteqartoq peqatigalugu innuttaassuseqalernissaanut. Aammattaaq qitornavissiaasumut piunasaqaataavoq, qitornavissiaaneq danskisut inatsisaat malillugu atuussinnaassasoq.

Amalienborgimi tunniunneqarpoq, (ulloq)

Kunngisut Uppernarsaavugut Naqissusiillutalu

MARGRETHE R.

/Inger Støjberg